

**UGOVOR
O KUPOPRODAJI SLUŽBENOG MOTORNOG VOZILA**

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, kojeg zastupa ministar Vedran Mulabdić (u daljem tekstu: Kupac)**
2. **“GUMA M” d.o.o. Mostar, ulica Bišće Polje bb, kojeg zastupa direktor Mario Vujević, (u daljem tekstu: Prodavac)**

PREDMET UGOVORA

Član 1.

Predmet ugovora je nabavka terenskog motornog vozila sa pogonom na četiri točka – Dacia Duster 1,5 dCi za potrebe Ministarstva unutrašnjih poslova Kantona Sarajevo, a prema objavljenom Obavještenju o nabavci broj 1364-7-1-43-3-34/18 od 22.10.2018. godine, a na osnovu Odluke o izboru ponuđača broj 01-14-4-6845/18 od 01.11.2018. godine.

Ponuda Prodavca broj 297-10/18AK je sastavni dio ugovora.

VRIJEDNOST UGOVORA

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudama Prodavca na osnovu kojih je, zajedno sa elementima iz tenderske dokumentacije i sačinjen ovaj ugovor.

Vrijednost ugovora sa uračunatim PDV-om iznosi 29.952,00 KM
(dvadesetdevehiljadadevetstotinapedesetdvije i 00/100 KM).

ROK ISPORUKE

Član 3.

Prodavac se obavezuje da će robu iz člana 1. ovog ugovora isporučiti najkasnije u roku od 60 (šezdeset) dana od dana potpisivanja ugovora na adresu ugovornog organa, Zmaja od Bosne br. 9, Sarajevo.

Sve troškove isporuke do primopredaje, kao i troškove reklamacije snosi Prodavac.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. i 2. ovog ugovora.

Kašnjenje u realizaciji ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

NAČIN PLAĆANJA

Član 4.

Plaćanje će se izvršiti na sljedeći način:

- 30% od vrijednosti ugovora avansno uz obezbjeđenje bezuslovne bankarske garancije za avansno plaćanje, a 70% po ispostavljenoj fakturi za isporučenu robu najkasnije u roku od 30 dana od dana ispostavljanja fakture.

GARANCIJE

Član 5.

Cijena i ostali elementi ugovora se ne mogu mijenjati.

Prodavac je dužan u roku od 10 (deset) dana od dana zaključivanja ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 6.

Garancija Prodavca na isporučeno motorno vozilo je 36 (tridesetšest) mjeseci od dana isporuke.

Prodavac se obavezuje da, po potrebi Kupca obezbjedi originalne rezervne dijelove i servisiranje vozila koje pokriva garancija u toku trajanje garantnog perioda. Ova obaveza Prodavca se ne odnosi na kvarove koji nastanu kao posljedica nestručnog rukovanja i više sile.

Član 7.

Ukoliko Kupac ocjeni da ponuđena roba nije u skladu sa datom ponudom iz člana 1. ovog ugovora, Kupac može jednostrano, bez saglasnosti prodavca, raskinuti ovaj ugovor.

RJEŠAVANJE SPOROVA

Član 8.

Na ostala prava i obaveze ugovornih strana, koja nisu regulisana ovim ugovorom primjeniće se Zakon o obligacionim odnosima.

Član 9.

Eventualno nastale sporove pri realizaciji ovog ugovora, ugovorne strane će riješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 10.

Svaka od ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni u Zakonu o obligacionim odnosima.

ZAVRŠNE ODREDBE

Član 11.

Ugovor stupa na snagu danom potpisivanja obje ugovorne strane i traje do realizacije isporuke.

Član 12.

Ovaj ugovor je sačinjen u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC
"GUMA M" d.o.o. MOSTAR

direktor
Mario Vujević


Datum: 28.12.2018
Broj: 171-100/18

KUPAC
MINISTARSTVO UNUTRAŠNJI POSLOVA
KANTON SARAJEVO

Ministar
Vedran Mulabdić


Datum: 12.12.2018.
Broj: 01-14-4-6845-2